



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

VIII. Vtrum in diuinis sit alia proceßio à generatione Verbi, & in quo proprie
à generatione differat.

[urn:nbn:de:hbz:466:1-72856](#)

stolorum, credimus in IESVM Christum Filium Dei Patrem. Et in Symbolo Niceno dicitur; *Genitum non factum.* Et in Symbolo Sancti Athanasii: *Filius a Patre solo est, non factus, nec creatus, sed genitus.* Vbi ex ipsamē antithesi patet, Filium proprie genitum dici; cum alias in scriptura improprie etiam *creatus* dicatur, ut quæstione prima dub. 2. dictum.

6 Ratio sumitur ex dictis: quia omnes particulae, in definitione generationis superius allata, processioni filii conueniunt. Est enim *processio viuentis a principio viacente*, quia persona per se, ex dub. 1. & quæst. 1. dub. 2. est a principio vicente coniunctio; tum quia non est ex nihilo, ut Ariani dicebant, sed ex substantia Patris genitus; tum quia est per actum immanente ex dub. 1. Denique Pater in natura identificatur cum filio, iuxta illud Ioann. 10. vers. 30. *Ego et Pater unus sumus*, ut dictum quæstione precedet. dubio octavo. Quare etiam recte à Concilio Nicensi Patribus filius dictus est Patri *spiritus*, hoc est, *confessus*; cum Ariani illam vocem excoli, non nisi *spiritus*, hoc est, similis natura, dicerent. Quæ vox licet olim a quibusdam Patribus bono sensu tolerata fuerit, ut videre est apud Hilarium lib. de synodis sub fin. & apud Athanasium epist. de synodis; nobis tamen, quia ab Ariano malo sensu inuentam & obtrusam fuisse nunc constat, omnino responda est, ut recte Vasquez disputat. 109. cap. 5. & dictum supra q. 1. dub. 1.

7 Quod præterea in definitione generationis dicitur, *In similitudinem nature*, eo etiam sensu productioni filii conuenit; quia est non solum in similitudinem, sed etiam identitatem nature. Denique talis est ex vi processionis; quia est processio per intellectum, cuius est producere, seu exprimere verbum, quod ex sua ratione est similitudo obiecti cogniti: & quidem substantialis & perfecta, si vti in proposito fit, intellectio sit perfectissima; cum ē contrario affectus amoris, ex sua formalis & abstracta ratione non sit similitudo rei dilecta, sed quidam motus & inclinatio in eandem, vi pluribus dicetur. dub. seq.

8 Et recte notat Sanct. Thomas eod. articulo secundo, quamvis ratio generationis latè accepta non conueniat diuinæ generationi, quia non exire de potentia adactum, conuenire tamen ipsi propriam rationem generationis viuentum, quæ a tali imperfectione abstrahit; licet alioquin in rebus creati ratio prime generationis quasi per modum generis includatur etiam in generatione viuentium.

Assertio II. Persona per diuinam eiusmodi generationem procedens vere ac proprie est Filius aeterni Patris. Est itidem de fide certa, & ab omnibus Theologis recepta apud Sanct. Thomam & Magistrum locis citatis. Pater similiter ex Scriptura psal. 2. vers. 7. & Heb. 1. v. 5. *Filius meus es tu.* Proverb. 30. v. 4. *Quod nomen est eius, et quod nomen filii eius,* si nos? vti etiam SS. Patres interpretantur apud Iansenium ibidem. Idem clare habetur Matth. 3. v. 17. & cap. 17. v. 5. *Hic est Filius meus dilectus, in quo mihi complacui.* Matth. 16. vers. 16. *Tu es Christus Filius Dei viuu.* Marci 14. vers. 61. *Tu es Christus*

Filius Dei benedicti? I E S V S autem dixit illi, *Ego sum.* Et passim Christus in scripturis D E V M Patrem suum nominat. Idem habetur in omnibus symbolis: In Apostolico; *Et in unum Dominum I E S V M Christum, Filium Dei unigenitum, et ex Patre natum ante omnia secula.* In Athanasiano; *Alius est enim persona Patris, alia Filius, et. Sed Pater et Filius, et Spiritus sancti, una est diuinitas, aequalis gloria, coetera maiestas: Qualis Pater, talis Filius, talis Spiritus sanctus, et c. Ita Deus Pater, Deus Filius, Deus Spiritus sanctus. Et. Filius a Patre solo est, non factus, nec creatus, sed genitus. Et. Unus ergo Pater, nostres Pates; unus Filius, non tres Fili. Et.* Ratio est euidentis ex dictis: quia Filius nihil aliud est, quam viuens (principiis vita intellectuali) productum à viuente per propriam generationem: nec dubium, Filius esse Patris Filius; cum hæc sint correlativa.

9 Assertio III. Processio Filii est processio Verbi, secundum intellectum. Ita Sanct. Thomas & Magister locis citatis: & est decide contra vetores & nos Valentinianos, Samosatenos, & Sabellianos, qui hæc inter se distingentes, damnantur ut hæretici à SS. Patribus, ut videre est apud Irenæum lib. 1. cap. 1. & lib. 2. cap. 18. Athanasium orat. cont. Arianos, & in epist. de decretis Nicenæ Syndodi, & Basiliū in orat. cont. Sabellianos. &c. cum tamen Verbum in diuinis, & Filius sint una & eadem persona, adeoque unus & idem, tam quoad naturam, quam quoad personam, ut probauimus quæstione prima dub. secundo, & patet maxime ex Ioann. 1. vbi idem qui prius dicebatur *Verbum*, postea dicitur *Caro factum, & unigenitus:* Et *Verbum Caro factum est: et vidimus gloriam eius, gloriam quasi unigeniti.* Item 1. Ioann. 5. v. 7. *Tres sunt, qui testimonium dant in celo, Pater, Verbum, et Spiritus sanctus: et hi tres unum sunt.* Et mox vers. 10. *Qui credit in Filium Dei, habet testimonium Dei in se.* Etv. 20. *Visimus in vero Filio eius. Hic est verus Deus. Et.* Ratio est: quia alias aut essent quatuor personæ in diuinis, aut certe Filius excludendus esset a numero personarum, quorum utrumque est contra fidem. Plura cit. quæstione præceden. dub. secundo & hic dub. seq.

D V B I V M VIII.

Utrum sit in diuinis alia processio à generatione Verbi; et in quo proprio à generatione differat.

S. Thomas 1. p. q. 27. a. 3. & 4.

Q Vatuor sunt hac de re assertiones Sanct. Thomas locis citatis, quarum tres priores sunt de fide certa; quarta autem communiter recepta inter Theologos.

Assertio I. Datur in diuinis alia processio à generatione Verbi. Ita S. Thomas artic. 3. ex communione omnium. Patet ex scriptura Ioann. 15. vers. 26. *Cum autem veneris Paracletus, quem ego mittam vobis a Patre, spiritum veritatis, qui a Patre procedit,*

ille

ille testimonium perh. belit de me. Vbi sit mentio Spiritus sancti procedentis à Patre, velut personæ distinctæ à filio: quod etiam constat ex illo Ioann. 14. v. 16. *Et ego regab' Patrem, & alium Paraclitum dabit vobis, ut maneat vobiscum in aeternum;* spiritum veritatis, quem mundus non potest accipere. Idem habetur in omnibus symbolis: In Apostolico; *Credo in spiritum sanctum;* In Niceno seu Constantiopolitano; *Eti in spiritum sanctum dominum & unificantem, qui ex patre filioque procedit;* In Athanasiano; *spiritus sanctus à patre & filio non factus, nec creatus, nec genitus, sed procedens.* Idem ex instituto definitum est in Concilio Constantinopolitano I. contra Arianos, Eunomianos, ac præcipue Macedonianos, diuinitatem spiritus sancti, & æqualitatem cum patre negantes. Ratio sumitur tum ex sequenti assertione. Tum quia iam superiorius questione prima dubio primo, & hic dub. I. probatum est, tresesse personas in diuinis, & duas processiones.

Affertio II. Hæc processio est secundum voluntatem, adeoque amoris. Ita Sanct. Thomas cit. artic. 3. Estque recepta ab omnibus antiquis Patribus; & significatur ipso nomine spiritus; quod cum de Deo personaliter sive notionaliter dicatur, non nisi motionem aliquam, seu inclinationem à voluntate procedentem significare potest; siquidem voluntatis est, moueri quodammodo in remanentiam. Vnde Sanct. Thomas cit. quæst. 27. articulo quarto *Nomine spiritu;* inquit, *vitalis quadam motio & impulsio designatur, prout aliquis ex amore dicitur moueri, vel impelli ad aliquid faciendum.* Ratio est: quia cum processio in diuinis existat secundum actiones immanentes, vt dictum dub. I. necessè est, vt non minus secundum voluntatem, quam intellectum detur processio; quandoquidem etiam in humanis, non minus in voluntate, respectu actionis amandi datur terminus producetus, quam in intellectu, respectu intellectionis; vt satisaperre docet etiam Sanct. Thomas cit. articulo tertio. Esto enim amor formaliter, & præcipuo significatu non sit actio; est tamen qualitas, quam impossibile est sine actione produci, neque alias huius actionis terminus esse potest, quam qualitas, seu actus amoris in facto est, vt habet communis Philosophia, & iuxta S. Thomam loc. cit. recte notauit Caetanus hic quæstione vigeſima septima articulo tertio, eti repugnare videatur Gregorius de Valentia quæstione prima pun. 3. vbi contra Caetanum simpliciter negat, in rebus creatis a liquid procedere per actum amoris, velut terminum.

Affertio III. Hæc processio non est generatio. Ita Sanct. Thomas cit. quæst. 27. artic. 4. Est de fide ex scriptura, in qua non solum Filius distinguitur à Spiritu sancto, & huic commune solum attributum procedentia, illi etiam geniti & filii tribuitur, vt ex citatis testimonis assert. I. & dub. præcedenti patet; sed aperte etiam mentio fit Vnigeniti Dei Filii. Ioann. 1. v. 14. *Vidimus gloriam eius, quasi unigeniti à patre.* Et v. 18. *Vnigenitus filius, qui est in similitudine patris, ipse enarravit.* Et Ioann. 3. v. 16. *Sic Deus dilexit mundum, ut filium suum vngenitum daret.* Quod si vñgenitus est Filius Dei; Ergo nec plures filii, nec

plures geniti; nec plures generationes. Idem constat ex omnibus symbolis. Nam in symbolo Apostolorum dicitur, *vniuersus filius.* In Niceno, *vngeneratus;* in Athanasii symbolo expresse dicitur, *spiritus sanctus à patre & filio, non factus, nec creatus, nec genitus, sed procedens.* Idem docent SS. Patres, qui constantianos negant, spiritum sanctum esse filium, aut natum seu generatum. Ratio assertionis paulo post inquiretur.

Affertio IV. Processio spiritus sancti recte dicitur, tum *spiratio,* tum absolute *processio.* Ita Sanct. Thomas artic. 4. ad 3. & communis Doctorum, qui ut processionem, sic etiam spirationem aliam vocant actuam, aliam passiuam; ut illa sit actio spirantis; haec terminus spirationis actiua. Ratio primæ partis est: quia quaevis actio recte denominatur à suo termino, cum ergo haec sit processio spiritus, non immerito vocatur spiratio. Secunda pars declaratur. Quia scriptura non alio nomine, quam *processio,* spiritus sancti productionem exprimit. Quare etiam Athanasius in symbolo verbis citatis, aliisque SS. Patres, vt & Scholastici frequenter, absolute etiam processionis nomine vtuntur, ad specialem spiritus sancti procedendi rationem significandam; nomen commune, *vni rei quasi singulari,* vt sepe fieri solet, appropriantes; ideo, quod eares proprio nomine, ab initio ad hanc rem proprie significandam imposito, careret. Cuius rei rationem bene assignat S. Thomas loc. cit. *De numeris,* inquit, *nominare non possumus nisi ex creaturis.* Et quia in creaturis communicatio naturæ non est nisi per generationem, processio in diuinis non habet proprium vel speciale nomen, nisi generationis (illa scilicet, quæ est generatio.) Vnde processio, quæ non est generatio, remansit sine speciali nomine: sed potest nominari spiratio, quia est processio spiritus. Ita S. Thomas. Vtrum vero processionis nomen generaliter, an specialiter usurpetur, ex subiecta materia, & circumstantiis colligi debet.

Cum autem hæc ita se habeant, & apud omnes Orthodoxos certa & recepta sint, in ratione tamen assignata, cur processio spiritus sancti non sit generatio, non parua difficultas est. Et ratio difficultatis est. Quia processioni spiritus sancti conuenire videtur tota definitio generationis propriæ ex S. Thoma dub. præced. allata. Est enim processio viventis à principio vivente coniunctio, in similitudinem naturæ, etiam ex vi processionis diuinæ, qua talis est; quia in Deo ad intra nihil potest procedere, nisi per communicationem eiusdem naturæ, seu quod sit consubstantiale procedenti, vt patet.

Ob hanc causam multi SS. Patres non dubitant, hac in re, suam fatigantiam, libere professi, se huic rei rationem reddere non posse. Ita Gregorius Nazianzenus orat. 5. de Theologia, Augustinus lib. contra Maximinum cap. 14. & aperte Damascenus lib. 1. fid. orth. cap. 10. vbi ait: *Et quidem generationem & processioem inter se differre compertum habemus; ceterum quis huic differentiæ modus sit, prorsus nos fugit.* Horum hæsitationem ex Scholasticis sequuntur Magister in prim. distin. 13. Ariminensis ibidem quæstione prima. Gabriel quæst. vñica, Maior quæst. 16. artic. 2. & fere Scotus d. 13. quæstion. vñ.

Ex iis vero, qui ratione dissoluere hanc diffi-

culta-

cultatem conantur, alii alias assignant rationes. Primo enim Anselmus in Monolog. cap. 53. & Petrus Alliacensis, in 1. sent. secuti Augustinum lib. 15. de Trinit. cap. 26 hanc rationem assignant, quia in Deo Verbum procedit ab uno, ideo est genitum: nihil autem procedens a duobus, nisi altero ut Patre, altero ut matre, est filius.

Secundo Richardus de Sanct. Victore lib. 6. de Trinitat. cap. 18. Alensis 1. part. quæst. 42. mem. 2. & 3. Maior in 1. d. 13. quæstione prima. rationem esse dicunt, quia Verbum ita accipit naturam à Patre, ut eam etiam possit communicare, & recipiat communicet Spiritui sancto; Spiritus sanctus autem non ita à Patre & Filio naturam accipit, ut eam possit alteri communicare.

8 Tertio idem Alensis 1. p. quæst. 43. mem. 1. Bonaventura in 1. d. 13. quæstion. 2. ad 3. Richardus d. 13. articulo primo quæstione tertia docent, ideo Verbum procedere ut filium, quia procedit modo secundum naturam; quia per intellectum: Spiritum sanctum autem procedere secundum voluntatem; eo nimirum procedendi modo, quo Adamus à Deo voluntate factus est; & ideo non esse Filium.

Quarto Durandus in 1. d. 6. quæst. 2. num. 16. indicat, ideo Spiritum sanctum non procedere ut filium, quia non procedit per modum naturæ; spe-
cando principium processionis; sed per modum voluntatis: eo quod procedat à pluribus eiusdem gradus & perfectionis, quorum unumquodque per se sufficiens esset ad eundem terminum producen-
dum. Quærationes omnes parum videntur solidae, ut facile cogitanti patrebunt; & speciatim Durandi super hac re doctrinam iam supra dub. 6. refutauimus.

9 Quinto igitur Torres hic quæst. 27. artic. 2. & Vasquez disput. 113. cap. 7. refutatis omnibus tam supradictis rationibus, quam ea, quæ a nobis sexto loco referetur ex Sanct. Thoma, & nunc communiter inter Theologos recepta est, nouam rationem adferunt & tuerunt: nimirum ideo Spiritum sanctum non esse filium, nec per generationem procedere; quia licet procedat ex vi processionis similis in natura, hoc est, eiusdem cum Patre & Filio natura, non minus, quam Filius à Patre, non tamen pro-
cedit ut imago Patris; quia non procedit per modum Verbi formaliter representatiū rem cognitam; nec adeo etiam Patri aut Filio representat, aut repre-
sentare potest seipso; cum se in Spiritu sancto non cognoscant.

10 Sed hanc doctrinam prolixè ac meritò refellit Suarez lib. 11. de Trinitat. cap. quinto & sexto. Pri-
mo, quia falsum videretur, & contra Sanct. Thomam, ut videbimus, ac receptam Theologorum senten-
tiam, non minus Spiritum sanctum, quam Filium, pro-
cedere ut similem in natura, ex vi processionis, qua talis. Secundo, quia esse imaginem representa-
tiū prototypi, conuenit omni rei, quæ ex vi processionis, quatalis, in natura aut figura ab al-
tero procedit ut similes: & tamen nec omnis talis imago, nec Spiritus sanctus, etiam si ita similes procedat, est Filius, ut aduersarii fatentur. Ter-
tio, quia prius est aliquem esse Filium, quam ima-
ginem representatiū Patris, nec adeo in hoc

propria & essentialis ratio filii consistit, ut ex defini-
tione communi generationis facile colligitur: quis enim inquit ita naturalem generationem definit?
Quarto non tam certum & indubitatum est, Spiritum sanctum non esse imaginem Patris & Fi-
lii, quam certum est, non esse Filium: illud enim
quidam Orthodoxi subinde dixerunt; hoc vero
nunquam, ut suo loco quæstione quarta dub. secun-
do dicitur.

Denique etiā hac de re non sit hic locus dispu-
andi, verius tamen fortassis est, Patrem & Filium non-
tantum cognoscere se in seipso, aut in Verbo, sed
etiam in Spiritu sancto, non quidem ut in imagine,
sed ut in suo termino & correlativo simili in natu-
ra, non quidem ut cognoscendi ratio secundum no-
strum modum intelligendi formaliter si ipsa rela-
tio, seu terminus correlativus, quæ talis, (sic enim
relativa simul sunt natura & ratione) sed ut ipsa sa-
me persona Spiritus sancti, qua formaliter diuina
persona est, sit ratio etiam quædam obiectiva co-
gnoscendi Patrem & Filium, à quibus procedit: eo
fere modo, quo effectus in nobis dicitur ratio co-
gnoscendi causam, ut dicitur quæst. quarta dubio se-
cundo.

Sexta igitur communis & vera ratio, quam tue-
mur, est S. Thomæ hic quæst. 27. artic. 4. vbi dis-
serte tradit, processionem amoris in diuinis non
debere dici (nec adeo esse) generationem, affirma-
ta hac ratione: Ad cuius evidentiā, inquit, siendū est, quod hæc est differentia inter intellectum & vo-
luntatem, quod intellectus sit in actu, per hoc, quadris in-
tellecta est in intellectu secundum suam similitudinem:
voluntas autem sit in actione per hoc, quod aliqua simili-
tudo sit in voluntate; sed ex hoc, quod voluntas ha-
bet aliquam inclinationem in rem voluntariam. Proces-
sio igitur, quæ attenditur secundum rationem intellectus, est se-
cundum rationem similitudinis; & in tantum potest ha-
bererationem generationis; quia omne generans genera-
sibi simile: processio autem, quæ attenditur secundum ra-
tionem voluntatis, non consideratur secundum rationem
similitudinis, sed magis secundum rationem impellentis,
& movientis in aliquid. Et ideo quod procedit in diuina
per modum amoris, non procedit ut genitum, vel ut filium,
sed magis procedit, ut spiritus, quo nomine quædam vita-
lis motio & impulsus designatur, prout aliquis ex amore
dicitur moueri, vel impelli ad aliquid faciendum. Ita S.
Thomas.

Quæ verba perspicue hunc sensum reddunt;
ideo Spiritum sanctum non procedere ut filium;
quia ex vi & propria quasi ac specifica ratione pro-
cessionis, quatalis, non procedit similis in natu-
ra Patri & Filio, quæ talis, inquam, non præcisæ ra-
tione quasi subiecti, quia est in DEO ad intra;
hinc enim non possunt distinguiri processiones in di-
uinis, cum hac ratione omnes processiones sint in
similitudinem seu identitatem naturæ, ut notauit
ipsem Sanct. Thomas citat, articulo quarto ad
primum. Sed quæ talis formaliter, adeoque per-
talem potentiam, nimirum per voluntatem,, non per intellectum est: cum hoc sit proprium
intellectus ex suo genere, non voluntatis, ve-
mediante verbo mentis, quæ est similitudo que-
dam formalis rei cognitæ, assimilat sibi, ipsi-
que etiam intelligenti, (faltem ut informato

per

per speciem, qua constituitur in ratione proximi principij cognoscens) rem cognitam; idque etiam perfecta & substantiali similitudine naturæ, si intelligens sit perfectissimum, ut est Deus.

¹³ Quam proinde rationem hoc sensu ex mente S. Thomæ tuentur non solum Caietanus ead. q. 27. a. 4. & q. 35. a. 2. & Ferrariensis 4. cont. gent. c. 11. sed etiam omnes discipuli & interpres S. Thomæ, in quibus etiam Gregorius de Valentia q. 1. pun. 4. Molina q. 27. a. 4. Suarez cit. lib. 11. c. 5. esto interim ea ratio non sit ita evidens & certa, quin de ea (minus certè, quam de alia quacunq; haec tenus allata) dubitari possit, ut notauit ibidem Gregorius de Valentia: tametsi S. Thomas supposita processione per intellectum & voluntatem, eam videatur habuisse pro evidentie.

¹⁴ Huic addit Suarez cit. lib. 11. c. 6. n. 14. etiam hanc rationem; quod Verbo ex vi & modo processionis suæ communicatur diuina natura, ut intellectualis est, atque adeo secundum propriam rationem essentiale, qua talis natura est; Spiritui sancto vero formaliter comunicatur essentia diuina, solum sub ratione amoris, qui non ita formaliter & per se primo constituit essentiam Dei: vnde non procedit similis in natura ex vi & formalitate processionis sue. Sed quæ ratio supponere videtur, nullam esse distinctionem, etiam secundum rationem nostram, inter diuinam essentiam, & actualem Dei notitiam, cuius contrarium docuimus supra disput. 2. quest. 2.

¹⁵ Atque ex his facile etiam dissolu potest argumentum Vasquez, quo rationem S. Thomæ, & communem euertere conatur, hunc in modum: vel Filius procedit similis in natura, ex vi processionis, quatenus est per intellectum, aut quatenus est per talem intellectum: non quatenus per intel-

lectum; sic enim omnis processio per intellectum esset generatio; Ergo quatenus est per talem intellectum. Cum ergo additur illa pars definitioni generationis, *Ex vi processionis*, non de processione per intellectum in uniuersum intelligenda est, sed de tali processione, qua Verbum procedit, scilicet diuini intellectus: sed si ita loquamur de processione Spiritus sancti: eodem modo procedit similis in natura, ex vitalis processionis, nempe per diuinam voluntatem: Ergo Spiritus sanctus non minus erit genitus, quam Filius.

¹⁶ Respondeo, Verbum procedere à Patre in perfectam similitudinem, seu identitatem naturæ, formaliter quatenus est per intellectum in tali natura; cum enim ratio formalis & abstracta processionis per intellectum hoc habeat, ut id quod procedit ab eo, procedat ut simile ipsis; idcirco quando ea processio fit in natura perfectissima, qualis est diuina, necesse est, ut ea processio per intellectum sit secundum perfectam & substanciali similitudinem naturæ. E contrario vero, quia ratio formalis & abstracta processionis per voluntatem hoc non habet, ut id, quod à voluntate procedit, procedat simile amanti, idcirco ea processio, quatenus formaliter talis & per voluntatem est, hoc sibi nec in natura quidem perfectissima & diuina postulat, ut id quod procedit, procedat ut simile in natura: sed vtrumque tam quod procedens ab ea terminus procedat similis producenti, quam quod procedat in perfectam similitudinem, solum sit quasi ratione subiecti, quia in Deo est, & ipsa processio diuina est; propria interim & abstracta ratione processionis per voluntatem sibi neurum depositente. Contra quam rationem hoc modo explicatam nullam vim habent exceptiones, & instantiae Vasquez, quamvis operose multiplicatae.

Q V A E S T I O III.

De Relationibus, notionibus, originibus, seu actibus notionibus, ac proprietatis personarum, & constitutione earundem.

S. Thomas 1. p. q. 28. 32. 40. 41.

Ractat quidem S. Thomas de hac in diuersis quatuor questionibus; sed quia hec omnia magnam inter se connexionem & affinitatem habent; nec ferè melius, quam ex mutua eorum inter se comparatione intelligi possunt, idèo omnia simul una questione explicanda proponimus. Absolutur autem hec questione sex dubitationibus. I. An, que, & quot sint relationes reales in Deo. II. Quomodo ab essentia, ac inter se, & à personis distinguantur. III. Utrum relationes personarum in Deo sint de essentia, ratione, & conceptu diuinitatis, deq; ea in abstracto formaliter predicentur; & an vicissim essentia diuina sit de ratione & conceptu relationum. IV. Utrum relationes reales in Deo formaliter sint perfectiones, & quales; & quomodo ratione earundem multiplicentur in diuinis tum transcendentia cetera, tum existentia. V. Quid, & quot in Deo sint notiones, origines, seu actus notionales, ac proprietates personarum; & quomodo hec tum inter se mutuo, tum ad relationes se habeant. VI. Quanam ratione primo ac formaliter constituantur & distinguantur personæ diuine; an per proprietates seu relationes personales, an per origines, seu actus notionales; an utrisque, seu neutrū.